

Na osnovu člana 62. Jedinствениh pravila i procedura za izradu zakona i drugih propisa Brčko distrikta Bosne i Hercegovine („Službeni glasnik Brčko distrikta BiH“, broj 1/12), na osnovu ovlaštenja datog članom 3. Odluke o izmjenama Odluke o osnivanju Razvojno-garantnog fonda Brčko distrikta BiH broj: 05-000376/21 od 12. 5. 2021. godine, Odjeljenje za privredni razvoj, sport i kulturu utvrdilo je prečišćeni tekst Odluke o osnivanju Razvojno-garantnog fonda Brčko distrikta BiH broj: 01-014-010665/04 od 16. 9. 2004. godine sa izmjenama i dopunama Odluke o osnivanju Razvojno-garantnog fonda Brčko distrikta BiH broj: 01.1-05-007952/09 od 24. 7. 2009. godine, 01.1-05-007673/09 od 14. 8. 2009. godine, broj: 01.1-05-007673/09 od 25. 9. 2009. godine, broj: 05-001696/11 od 11. 7. 2012. godine, broj: 05-001051/17 od 26. 4. 2018. godine i broj: 05-000376/21 od 12. 5. 2021. godine.

Broj: 05-000376/21
Brčko, 11. 6. 2021. godine



Šef Odjeljenja za privredni razvoj, sport i kulturu
Pero Gudeljević, dipl. pravnik

ODLUKA O OSNIVANJU RAZVOJNO-GARANTNOG FONDA BRČKO DISTRIKTA BiH (prečišćeni tekst)

Član 1.

Razvojno-garantni fond Brčko distrikta BiH (u daljnjem tekstu: „RGFBD“) osniva Brčko distrikt BiH ovim aktom.

Član 2.

Naziv ovog fonda je: Razvojno-garantni fond Brčko distrikta Bosne i Hercegovine.

Skraćeni naziv glasi: „RGFBD“.

Sjedište „RGFBD“ je u Brčkom, Brčko distrikt BiH, Cvijete Zuzorić b. b.
„RGFBD“ je neprofitna, nezavisna institucija.

„RGFBD“ se osniva u svrhu implementacije razvojnih projekata, programa i davanja garancija za kredite malim i srednjim preduzećima i samostalnim poduzetnicima na sljedeći način:

- a) davanje garancija za kreditiranje razvoja malih i srednjih preduzeća i samostalnih preduzetnika,
- b) davanje garancija za kreditiranje u ruralnom sektoru.

Član 3.

Ciljevi „RGFBD“ su:

- udovoljiti visokoj potražnji za kreditom među ruralnim stanovništvom kao i kreditima za razvoj malih i srednjih preduzeća i samostalnih preduzetnika kako bi se poboljšao pristup kreditima, naročito za one poljoprivredne proizvođače, mala i srednja preduzeća i samostalne preduzetnike kojima nedostaju kvalitetni instrumenti osiguranja (kvalitetan kolateral, garancija itd.) povrata kredita;
- pružati stručnu pomoć Vladi Brčko distrikta BiH i institucijama nadležnim za implementaciju razvojnih planova i programa u vezi s razvojem malih i srednjih preduzeća, samostalnih preduzetnika i poljoprivredne proizvodnje;
- privlačenje novih sredstava u Brčko distrikt BiH, povećanje konkurentnosti koja će imati pozitivan uticaj u smislu kvalitetnog pristupa kreditima za stanovništvo Brčko distrikta BiH, što će doprinijeti povećanom razvoju;

- implementacija razvojnih projekata i programa koji se finansiraju iz međunarodnih fondova na području Brčko distrikta BiH.

Član 4.

Osnovna djelatnost „RGFBD“ odnosi se na:

- a) odobravanje kreditnih sredstava i njihovo plasiranje,
- b) dodjelu sredstava malim i srednjih preduzećima i preduzetnicima,
- c) ulaganje u papire od vrijednosti,
- d) davanje garancije za kredite malim i srednjih preduzećima i samostalnim preduzetnicima i poljoprivrednicima s ciljem bržeg zapošljavanja,
- e) davanje garancije za kreditiranje u ruralnom sektoru,
- f) drugo kreditno i finansijsko posredovanje,
- g) implementacija razvojnih projekata u Brčko distriktu BiH.

Djelatnosti „RGFBD“ su:

- 64.92 – Ostalo kreditno poslovanje;
- 64.99 – Ostale finansijske uslužne djelatnosti, osim osiguranja i penzijskih fondova, d. n.;
- 66.12 – Djelatnost posredovanja u poslovanju papirima od vrijednosti i robnim ugovorima;
- 66.19 – Ostale pomoćne djelatnosti u finansijskim uslugama, osim osiguranja penzijskih fondova;
- 70.22 – Savjetovanje u vezi sa poslovanjem i upravljanjem;
- 73.20 – Istraživanje tržišta i ispitivanje javnog mnijenja;
- 74.90 – Ostale stručne, naučne i tehničke djelatnosti, d. n.

Član 5.

„RGFBD“ će se finansirati iz sljedećih izvora:

- budžet Vlade Brčko distrikta BiH odobren od strane Skupštine Brčko distrikta BiH putem postupka usvajanja budžeta Brčko distrikta BiH,
- finansijskih doprinosa od donatora,
- međunarodnih donatorskih finansiranja projekata ili ugovora,
- od publikacija,
- prihoda od kamata na portfolio „RGFBD-a“.

Član 6.

„RGFBD“ će upravljati Upravni odbor.

Upravni odbor je najviši organ upravljanja „RGFBD“ i pravno odgovoran za organizaciju. Upravni odbor je odgovoran za imenovanje i razrješenje direktora, odobravanje godišnjeg plana rada i utvrđivanje politike i razvoja RGFBD-a. Detaljna nadležnost, mandat, odgovornost i rad Upravnog odbora definisat će se statutom.

Član 7.

- (1) Članove Upravnog odbora imenuje i razrješava Skupština Brčko distrikta BiH.
- (2) Upravni odbor se sastoji od pet članova.
- (3) Upravni odbor se imenuje na period od četiri godine uz mogućnost ponovnog imenovanja, s tim da isti članovi ne mogu biti imenovani više od dva puta uzastopno.

Član 8.

Upravni odbor će, najkasnije tri (3) mjeseca nakon upisa u registar kao pravno lice kod nadležnog suda, donijeti statut.

Saglasnost na statut daje Vlada Brčko distrikta BiH.

Član 9.

Zadaci Upravnog odbora će biti sljedeći:

- nadzor i kontrola vođenja „RGFBD“ i rada direktora;
- odobravanje razvojnih projekata uz saglasnost Vlade Brčko distrikta BiH;
- usvajanje pravila o postupku i načinu odobravanja razvojnih projekata uz saglasnost Vlade Brčko distrikta BiH;
- donošenje odluke o načinu, kriterijima i izboru komercijalne banke (banki) u kojoj će „RGFBD“ deponovati svoja sredstva u iznosu od 300.000,00 KM, odobrena budžetom Brčko distrikta BiH za davanje garancija u ruralnom sektoru;
- donošenje odluke o načinu, kriterijima i izboru komercijalnih banaka u kojima će „RGFBD“ deponovati svoja sredstva u iznosu od 1.000.000,00 KM, odobrena budžetom Brčko distrikta BiH za davanje garancija malim i srednjim preduzećima i samostalnim preduzetnicima;
- odlučivanje o imenovanju i razrješenju direktora „RGFBD-a“;
- odobravanje pravila i procedure koje se odnose na kreditne garancije te vršiti odobravanje istih;
- odlučivanje o unutrašnjoj organizaciji „RGFBD-a“;
- praćenje i kontrola finansijskog poslovanja i usvajanje mjesečnih, kvartalnih i godišnjih finansijskih izvještaja i godišnjeg budžeta;
- usvajanje godišnjih i projektnih poslovnih planova „RGFBD-a“;
- osiguravanje maksimuma transparentnosti i vidljivosti operacija „RGFBD-a“;
- odlučivanje o neophodnim izmjenama podstaturnih akata „RGFBD-a“;
- imenovanje kreditno-garancijskog odbora za ruralne kredite i kreditno-garancijskog odbora za kreditiranje malih i srednjih preduzeća i samostalnih preduzetnika.

Član 10.

Predsjednik Upravnog odbora:

- priprema, saziva, koordinira i vodi rad Upravnog odbora,
- potpisuje zapisnike i odluke Upravnog odbora,
- promovise „RGFBD“ i informiše javnost o radu „RGFBD-a“.

Član 11.

Upravni odbor donosi odluke na sjednicama. Direktor „RGFBD-a“ prisustvuje sjednicama i podnosi izvještaj. Direktor nema prava glasa na sjednicama Upravnog odbora.

Član 12.

Upravni odbor se mora sastajati najmanje jednom mjesečno, a po potrebi vanrednu sjednicu Upravnog odbora može sazvati direktor ili Upravni odbor na pismeni zahtjev najmanje 2 člana Upravnog odbora. Za donošenje odluka na sjednicama Upravnog odbora sjednici moraju prisustvovati najmanje 3 člana. Glasanje na sjednici Upravnog odbora je javno.

Član 13.

Upravni odbor imenuje i razrješava direktora, na način i u postupku propisanim statutom.

Član 14.

Direktor će biti odgovoran Upravnom odboru ukoliko vodi „RGFBD“ u suprotnosti sa politikom, strategijom, preporukama ili poslovnim planom, kao i drugih zaduženja koji će se detaljno definisati statutom.

U roku od mjesec dana od dana upisa u registar kod nadležnog suda će predložiti raspored pravila i instrukciju za administraciju „RGFBD-a“.

Član 15.

Direktor „RGFBD-a“ na osnovu ukazanih potreba, uz saglasnost Upravnog odbora, može oformiti savjetodavne odbore s ciljem efektivnije implementacije funkcije „RGFBD-a“.

Član 16.

Radi realizacije ciljeva Fonda, u okviru Fonda se može formirati jedinica za implementaciju projekata koji se finansiraju iz međunarodnih fondova.

Odluku o uspostavljanju jedinice iz stava (1) ovog člana donosi Upravni odbor Fonda na prijedlog direktora uz prethodnu saglasnost Vlade Brčko distrikta BiH.

Član 17.

Odluka o osnivanju Razvojno-garantnog fonda Brčko distrikta BiH stupila je na snagu 16. 9. 2004. godine, 24. 7. 2009. godine, 14. 8. 2009. godine, 25. 9. 2009. godine, 11. 7. 2012. godine, 26. 4. 2018. godine i 12. 5. 2021. godine.